

O'zbekiston «Adolat» sotsial-demokratik partiyasi

IJTIMOIIY-SIYOSIIY GAZETA

info@adolatgzt.uz • www.adolatgzt.uz • www.adolat.uz • № 7 (968) • 2014-yil, 21-fevral, juma

Қонунлар мукамаллиги ва барқарорлиги

уларнинг ҳаётга татбиқ этилишида муҳим роль ўйнайди

➤ Фракция йиғилиши

Олий Мажлис Қонунчилик палатасидаги Ўзбекистон «Адолат» социал-демократик партияси фракциясининг навбатдаги йиғилишида «Экологик назорат тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонун лойиҳаси биринчи ўқишда муҳокама қилинди.

Таъкидланганидек, мамлакатимизда нодавлат нотижорат ташкилотлари, жамоат тузилмалари ва фуқароларнинг ўзини ўзи бошқариш органлари ҳуқуқ ва ваколатларини кенгайтириш борасида амалга оширилаётган кенг қўламли ислохотлар, уларни атроф-муҳитни муҳофаза қилиш, табиий ресурслардан оқилона фойдаланишнинг бугунги кундаги долзарб масалаларини ҳал этиш жараёнларига, самарали жамоатчилик экологик назоратини амалга оширишга янада кенгроқ жалб қилишга хизмат қилмоқда.

Маълумки, Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси асосида атроф-муҳитни муҳофаза қилишни таъминлаш тизимида нодавлат нотижорат ташкилотларнинг роли ва ўрнини белгилаш мақсадида «Экологик назорат тўғрисида»ги Ўзбекистон Республикаси Қонуни қабул қилинган эди. Мазкур ҳуқуқий ҳужжат 2013 йил 28 декабрдан кучга кирди.

2 ➤



➤ Ватан ҳимояси — муқаддас бурч

© Аскар ЕКУВОВ (ЎЗА) ошган сурат

Илғор тажрибалар

ёшлар қалбини эгаллашга имкон беради

➤ «Ёш адолатчилар»



Ўзбекистонда ёшларга бўлган алоҳида эътибор туфайли уларни таълим муассасаларида замонавий педагогик ва ахборот-коммуникация технологиялар асосида ўқитиш тизими жорий этилди, интеллектуал салоҳиятини янада ошириш мақсадида кенг миқёсдаги бадий ва илмий адабиётлар чоп этилмоқда, қолаверса, энди улар узоқ масофадан туриб электрон китобларни мутолаа қилиш имкониятига эга бўлмоқдалар.

3 ➤

Наманган:

«Баркамол авлод» мусобақаларига ҳозирлик қизғин

➤ Болалар спорти

Бугун юртимизда ёш авлоднинг комил инсон бўлиб вояга етиши учун барча шарт-шароитлар мавжуд. Ана шу имкониятлардан фойдаланиб, ўз салоҳиятларини намоён этишга интилаётган ўғил-қизларимиз юксак натижаларни қўлга киритишмоқда. Айниқса, аънанавий тарзда ўтказиб келинаётган уч босқичли тизим — «Умид ниҳоллари», «Баркамол авлод» ва Универсиада спорт ўйинлари ёш иқтидор соҳибларини кашф қилишда катта аҳамият касб этмоқда.

2 ➤

Аскарлар уйига кузатилмоқда

Тошкент Олий умумқўшин қўмондонлик билим юртида муддатли ҳарбий хизматни ўтаб бўлган ҳарбий хизматчиларни уйига кузатиш маросими бўлиб ўтди.

Тадбир Президентимизнинг 2013 йил 20 декабрда қабул қилинган «Ўзбекистон Республикаси фуқароларининг муддатли ҳарбий хизматга навбатдаги қақуриви ҳамда белгиланган хизмат муддатларини ўтаб

бўлган ҳарбий хизматчиларни Қуролли Кучлар резервига бўшатиш тўғрисида»ги қарорига мувофиқ ташкил этилди.

Тошкент Олий умумқўшин қўмондонлик билим юрти мамлакатимиз Қуролли Кучлари

учун юқори малакали офицер етакчи олий ҳарбий ўқув муассасаларидан биридир. Бу ерда курсантларнинг интеллектуал жиҳатдан юксалиши, замонавий ҳарбий билим ва кўникмаларни пухта эгаллаши, спорт билан шугулланиши учун барча зарур шароитлар яратилган.

Кузатиш маросимида Ватан олдидаги бурчини намунали ўтаган аскарларга фахрий ёрликлар, Тошкент Олий умум-

қўшин қўмондонлик билим юрти раҳбариятининг олий таълим муассасаларига имтиёзли ўқишга кириш имконини берадиган тавсияномалари топширилди. Мазкур тавсияномалар мамлакатимиз олий ўқув юртларига ўқишга киришда тўпланадиган энг юқори баллнинг 27 фоизи миқдоридан имтиёз тақдим этишини таъкидлаш жойиз.

— Тошкент Олий умумқўшин қўмондонлик билим юртида муддатли ҳарбий хизматни

ўтаганимдан хурсандман, — дейди самарқандлик Мироншоҳ Ниёзов. — Саралаш танловларидан муваффақиятли ўтиш учун китоб мутолаасига кўп вақт ажратдим, спортнинг кикбоксинг тури билан жиддий шугулландим. Бугун бу ерни тарк этаётган бўлсам-да, ёзда билим юртига курсант бўлиб қайтишимга ишонаман.

Суратда: тадбир иштирокчилари.

Р.БОНДАРЧУК, ЎЗА муҳбири

Мирза АЗИЗОВ:

«Томошабинга айтадиган гапимиз бўлсин»

➤ Таҳририят меҳмони



Бугунги меҳмонимиз — «Кўнгил кўчалари», «Муҳаббат синовлари», «Мунчоғим», «Тубанлик» сингари халқимиз севиб томоша қиладиган кўплаб фильмларда ҳамда сахнадаги қатор ролларда ўзига хос салобатли кўриниши, босиқ овози, ижро маҳорати билан эътиборга тушган истеъдодли актёр, Ўзбекистонда хизмат кўрсатган артист Мирза Азизов. Актёр билан унинг санъатга кириб келиши, бугунги театр ва кино санъатининг ютуқ ҳамда муаммолари хусусида сўзлашдик.

8 ➤

Бугунги сонда:

«Адолат»ни ёқлаган журналистлар

партия ғояларига Янгиқўрғонда қанот бағишламоқда

Партиядош журналистлар ҳам ижодий изланиб, ҳам партиянинг обрўсини ошириб, ўз сафларини тобора мустаҳкамлаб боришмоқда. Ахир партиявий ишлар танаффус билмайди. Янгиликлар ортидан янгиликлар, ташаббуслар ортидан ташаббуслар туғилаверади.

5 ➤

Олмоқнинг бермоғи бор...

Халқаро давлатчилик тажрибаси шундан далолат берадики, ҳар қандай муваффақият бугунники ва у бугунга хизмат қилади. Бинобарин, кечаги ва бугунги ютуқлар билан қаноатланиб қолмаслик, ўсиш суръатларини сусайтирмаслик, миллий тараққиётнинг янги уфқларини белгилаш, дунёда кечаётган мураккаб жараёнларнинг маъно-моҳиятини кузатган ҳолда иш кўриш талаб этилади.

7 ➤

